

四庫全書

子部

欽定四庫全書

冊府元龜卷二百三十六 宋 王欽若等 撰

列國君部

嗣襲

昔三五之際封建列國而年祀茫昧墳典殘缺故其世系嗣襲不可得而詳也降及姬周史官謹職諸侯晉楚皆有記籍故孔子約魯史而脩春秋丘明爲之傳司馬遷又祖述其事列之以世家故其苗裔之嗣續子弟之

繼及皆可得而徵矣至於以德以長之制年鈞義鈞之說或越次而承世嫡或自外而紹大宗或勸讓以興邦或承亂而纘緒自吳太伯而下以訖於六國咸有條而不紊云

吳太伯

武王追封為吳伯故曰吳太伯

太伯弟仲雍周太王之子而王

季歷之兄也季歷賢而有聖子昌太王欲立季歷以及

昌於是太伯仲雍二人乃犇荆蠻文身斷髮示不可用

常在水中故斷其髮文其身以象龍子故不見傷害以避季歷季歷果立是為王

季而昌為文王太伯之犇于荆蠻自號勾吳

勾吳太伯始所居也

荆蠻義之從而歸之千餘家立為吳太伯太伯卒無子

弟仲雍立是為吳仲雍仲雍卒子季簡立季簡卒子叔

達立叔達卒子周章立是時周武王克殷求太伯仲雍

之後得周章周章已君吳因而封之乃封周章弟虞仲

於周之北故夏虛

在河東太陽縣

是為虞仲列為諸侯周章卒

子熊遂立熊遂卒子柯相立柯相卒子強鳩夷立強鳩

夷卒子餘橋疑吾立餘橋疑吾卒子柯盧立柯盧卒子

周繇立周繇卒子屈羽立屈羽卒子夷吾立夷吾卒子禽處立禽處卒子轉立轉卒子頗高立頗高卒子句卑立是時晉獻公滅北虞公句卑卒子去齊立去齊卒子壽夢立而吳始益大稱王自太伯作吳五世而武王克殷封其後為二其一虞在中國其一吳在夷蠻十五世而晉滅中國之虞中國之虞滅二世而夷蠻之吳興大凡從太伯至壽夢十九世壽夢二十五年卒壽夢有四子長曰諸樊次曰餘祭次曰餘昧次曰季札壽夢知季

札賢欲立之季札讓於是乃立長子諸樊攝行事當國
諸樊立十三年卒有命授弟餘祭欲以次傳季札餘祭
立十七年卒弟餘昧立餘昧立四年卒欲授弟季札季
札逃去吳人乃立餘昧子僚為王諸樊之子公子光常
以為吾父兄弟四人當傳至季子季子即不受國光當
立陰納賢士欲以襲王僚十三年光弒僚自立為王是
為闔閭十九年與越戰傷而死子夫差立二十三年越
敗吳夫差自剄死吳遂滅

齊太公望呂尚者東海上人

呂氏春秋曰東夷之士

其先祖嘗為

四嶽佐禹平水土甚有功虞夏之際封於呂

呂在南陽宛縣西

或封於申姓姜氏夏商之時申呂或封枝庶子孫或為

庶人尚其後苗裔也本姓姜氏從其封姓故曰呂尚佐

武王伐紂謀居多武王王天下封於齊尚卒子丁公伋

伋作及

立丁公卒子乙公得立乙公卒子癸公慈母立癸

公卒子哀公不辰立哀公紀侯譖之周周烹哀公立其

弟靜是為胡公當周夷王之時哀公同母少弟山襲殺

胡公而自立是為獻公獻公立九年卒子武公壽立武
公立二十六年卒子厲公無忌立九年厲公暴虐故胡
公子復入齊攻殺厲公胡公子亦戰死齊人立厲公子
赤是為文公文公十二年卒子成公脫立成公九年卒
子莊公購立莊公六十四年卒子釐公祿甫立釐公三
十三年卒子襄公諸兒立襄公十二年釐公弟子公孫
無知弑襄公而自立雍林人襲殺無知襄公次弟小白
自莒入高偃立之是為桓公桓公立四十三年卒桓公

子十餘人長衛姬生無詭少衛姬生惠公元鄭姬生孝公昭葛嬴生昭公潘密姬生懿公商人宋華子生公子雍桓公與管仲屬孝公於宋襄公以為太子桓公卒易牙與豎刁立公子無詭無詭立三月宋襄公率諸侯兵伐齊立公子昭是為孝公孝公十年卒孝公弟潘殺孝公子而立是為昭公十九年卒子舍立昭公之弟商人殺舍而自立是為懿公四年齊人殺懿公迎公子元於衛立之是為惠公惠公十年卒子頃公無野立頃公十

七年卒于靈公環立靈公娶于魯曰顏懿姬無子其姪

酸聲姬生光以為太子

凡子曰姪顏酸皆二姬母姓因以為號懿聲皆謚

諸子

仲子戎子戎子嬖

諸子諸妻姓子者二子皆宋女

仲子生牙屬諸戎子

屬託之

戎子請以為太子許之

齊侯許之

仲子曰不可廢常不

祥

廢立嫡之常

間諸侯難

事難成也

光之立也列於諸侯矣

列諸侯之

會今無故而廢之是專黜諸侯

謂光已有諸侯之尊

而以難犯不

祥也君必悔之公曰在我而已遂東太子光

徙之東陲也

使

高厚傅牙以為太子夙沙衛為少傅二十八年靈公疾

崔杼迎公子光而立之是為莊公莊公六年崔杼弑莊公而立莊公異母弟杵臼是為景公五十八年夏景公夫人燕姬適子死景公寵妾芮姬生子荼荼少母賤無行諸大夫恐其為嗣乃言擇諸子長者賢者為太子景公老惡言嗣事又愛荼母欲立之憚發之口乃謂諸大夫曰為樂耳國何患無君乎秋景公病命國惠子高昭子立少子荼為太子逐諸子遷萊

萊齊東
鄙邑

景公卒太子

荼立是為晏孺子景公子陽生奔魯晏孺子元年八月

田乞召公子陽生於魯而立之是為悼公悼公四年鮑

子弒悼公齊人共立悼公子壬是為簡公

一云簡公壬者景公之子

也簡公四年田常弒簡公立簡公之弟騫是為平公平

公二十五年卒子宣公積立宣公五十一年卒子康公

貸立康公十九年田常魯孫田和始為諸侯遷康公海

濱二十六年康公卒呂氏遂絕其祀

魯周公旦者周武王弟也

以太王所居周地為其采邑故為周公

自文王

在時旦為子孝篤仁異於羣子及武王即位旦常輔翼

武王用事甚多武王九年東伐至盟津周公輔行十一年伐紂至牧野周公佐武王作牧誓破殷入商宮已殺紂武王徧封功臣同姓戚者封周公旦於少昊之虛曲阜是為魯公周公不就封留佐武王子伯禽受封之魯是為魯公伯禽卒子考公苴立考公四年卒立弟熙是為煬公煬公六年卒子幽公宰立幽公十四年幽公弟潰殺幽公而自立是為魏公世本作微公魏公五十年卒子厲公擢立厲公三十七年卒魯人立其弟具是為獻公

獻公三十二年卒子真公湏立真公三十年卒弟敖立

是為武公武公九年春武公與長子括少子戲西朝周

宣王宣王愛戲欲立戲為魯太子周之樊仲山父諫宣

王曰廢長立少不順不順必犯王命犯王命必誅故出

令不可不順也令之不行政之不立令不行則政不立行而不

順民將棄上使長事少故民將棄上夫下事上少事長所以為順

今天子建諸侯立其少是教民逆也言不教之順而教之逆若魯

從之諸侯效之王命將有所壅言先王立長之命將壅塞不行也若弗

從而誅之是自誅王命也

先王之命立長今魯亦立長若誅之是自誅王命

誅

之亦失不誅亦失

誅之誅王命不誅則王命廢

王其圖之宣王弗聽

卒立戲為魯太子夏武公歸而卒戲立是為懿公懿公

九年括之子伯御與魯人殺懿公而立伯御為君伯御

立十一年周宣王伐魯殺伯御而問魯公子能道順

一作

訓諸侯者以為魯後樊穆仲曰

穆仲仲山父之謚也

魯懿公弟稱

肅恭明神敬事者老賦事行刑必問於遺訓而咨於固

實

固一作故

不干所問不犯所知宣王曰然能訓治其民矣乃立

稱於夷宮

夷宮者宣王祖夷王之廟古者爵命必於祖廟

是為孝公孝公二十七年

卒子弗湟

一云弗生

立是為惠公惠公四十六年卒惠公元

妃孟子卒繼室以聲子生子息宋武公生仲子仲子生

而有文在其手曰為魯夫人故仲子歸於我生子允而

惠公薨是以息攝當國行君事是為隱公隱公十一年

公子翬殺隱公而立公弟允是為桓公桓公十八年公

如齊齊襄公饗公公醉使公子彭生摺其脅公死于車

立太子同是為莊公莊公立三十二年卒子班立莊公

弟慶父使人殺班立莊公子開是為湣公湣公二年慶
父使卜齋襲殺湣公莊公弟季友奉莊公子申立之是
為釐公釐公立三十三年卒子興立是為文公文公十
八年卒文公有二妃齊女哀姜生子惡及視次妃敬嬴
嬖愛生子倭一作綏文公卒公子遂殺子惡及視而立倭
是為宣公十八年卒子成公黑肱立十八年卒子襄公
午立襄公年三歲而立三十一年襄公卒其九月太子
毀卒魯人立齊歸之子稠一名昭是為昭公昭公年十九

猶有童心穆叔不欲曰稠非適嗣且又居喪不戚而有喜色若果立必為季氏憂季武子弗聽卒立之二十五

年九月昭公伐季氏弗勝奔於齊齊伐魯取鄆而居昭

公

二十八年晉止昭公於乾侯三十二年而昭公卒於乾侯

魯人立其弟宋是為定

公十五年卒子蔣立是為哀公二十七年哀公患三桓

欲因諸侯以劫之公如陘氏三桓攻公公奔于衛去如

鄒遂如越國人迎哀公復國卒於有山氏子悼公寧立

魯如小侯卑於三桓之家三十七年悼公卒子元公嘉

立二十一年卒子穆公顯立三十三年卒子共公奮立
二十二年卒子康公屯立九年卒子景公匱立二十九
年卒子平公叔立是時六國皆稱王二十二年平公卒
子文公賈立二十三年卒子傾公僇立二十四年楚考
烈王伐滅魯傾公亡遷於卞邑一作下為家人魯絕祀傾
公卒于柯魯起周公至傾公凡三十四世

燕召公奭與周同姓姬氏

周之支子食邑於召謂之召公

周武王滅紂

封於北燕

有南燕故云北燕

自召公以下九世至惠侯惠侯卒

子釐侯立三十六年釐侯卒子頃侯立頃侯二十四年

卒子哀侯立哀侯二年卒子鄭侯立鄭侯三十六年卒

子繆侯立繆侯十八年卒子宣侯立宣侯十三年卒子

桓侯立

古史考曰世家自宣侯以下不說其屬以其難明故也

桓侯七年卒子莊

公立莊公三十三年卒子襄公立襄公四十年卒桓公

立桓公十六年卒宣公立宣公十五年卒昭公立昭公

十三年卒武公立武公十九年卒文公立文公六年卒

懿公立懿公四年卒子惠公立六年惠公多寵姬欲去

諸大夫而立寵姬宋大夫共誅姬宋惠公懼奔齊四年
齊高偃如晉請共伐燕入其君晉平公許與齊伐燕入

惠公

年表公欲立幸臣公卿誅幸臣公恐出奔齊

惠公至燕而死

左氏云燕君多嬖寵

欲去諸大夫而立其寵人燕大夫比以殺公之外嬖公懼奔齊

燕人立悼公悼公七年

卒共公立共公五年卒平公立平公十九年卒簡公立

簡公十二年卒獻公立獻公二十八年卒孝公立孝公

十五年卒成公立成公十六年卒湣公立湣公三十一

年卒釐公立釐公三十年卒桓公立桓公十一年卒文

公立文公二十九年卒太子立是為易王易王立十二年卒子燕噲立噲立五年以國讓其臣子之三年國大亂將軍市被與太子平謀攻子之不克市被死因搆難數月死者數萬衆齊王令章子將兵伐燕燕君噲死子之亡二年燕人共立太子平是為燕昭王昭王三十三年卒子惠王立惠王七年卒武成王立武成王十四年卒子孝王立孝王三年卒子今王喜立二十三年太子丹質於秦亡歸燕二十五年秦滅韓王二十七年秦虜

趙王遷滅趙燕見秦且滅六國秦兵臨易水禍且至燕
太子丹陰養壯士二十人使荆軻獻督亢地圖於秦因
襲刺秦王秦王覺殺軻使將軍王翦擊燕二十九年秦
拔我薊燕王亡徙居遼東斬丹以獻秦三十三年秦拔
遼東虜燕王喜卒滅燕

蔡叔度者周文王子而武王同母弟也武王已克殷紂

封叔度於蔡

世本曰
居上蔡

後成王少周公旦專王室管叔蔡

叔挾紂子武庚作亂周公誅武庚而放蔡叔遷之蔡叔

既遷而死其子曰胡胡乃改行率德馴善周公聞之而
舉胡以為魯卿士魯國治於是周公言於成王復封胡
於蔡以奉蔡叔之祀是為蔡仲蔡仲卒子蔡伯荒立荒
卒子宮侯立宮侯卒子厲侯立厲侯卒子武侯立武侯
卒子夷侯立夷侯二十八年卒子釐侯所事立四十八
年卒子共侯興立二年卒子戴侯立十年卒子宣侯措
父立三十五年卒子桓侯封人立二十年卒弟哀侯獻
舞立哀侯十一年楚文王擊蔡虜哀侯留九歲死於楚

凡立二十年卒蔡人立其子盼是為繆侯二十九年卒
子莊侯甲午立三十四年卒子文侯申立二十年卒
子景侯同立二十九年太子般殺景侯而自立是為靈
侯靈侯十二年楚靈王誘蔡靈侯於申伏甲飲之醉而
殺之令公子棄疾滅蔡三歲楚公子棄疾立為楚平王
乃求蔡景侯少子廬立之是為平侯平侯九年卒靈侯
般之孫東國攻平侯子而自立是為悼侯悼侯三年卒
弟昭侯申立二十六年吳遷蔡于州來二十八年昭侯

將朝於吳大夫恐其復遷乃令賊殺昭侯而立昭侯子
朔是為成侯十九年成侯卒子聲侯產立聲侯十五年
卒子元侯立元侯六年卒子侯齊立侯齊四年楚惠王
滅蔡侯齊卒蔡遂絕祀

曹叔振鐸者周武王弟也武王克殷紂封叔振鐸於曹
叔振鐸卒子太伯脾立太伯脾卒子仲君平立仲君平卒
子宮伯侯立宮伯侯卒子孝伯雲立雲卒子夷伯喜立
夷伯三十年卒弟幽伯強立幽伯九年弟蘇殺幽伯代

立是為戴伯戴伯三十年卒子惠伯兕立三十六年卒
子石甫立其弟武殺之代立是為繆公繆公三年卒子

桓公終生立

一作終涅
涅音生

五十五年卒子莊公夕姑立三

十一年卒子釐公夷立九年卒子昭公班立九年卒子

共公襄立三十五年卒子文公壽立文公二十三年卒

子宣公疆立宣公十七年卒弟成公負芻立二十三年

卒子武公勝立二十七年卒子平公頃立平公四年卒

子悼公午立九年悼公朝於宋宋囚之曹立其弟野是

為聲公悼公死於宋歸葬聲公五年平公弟通弑聲公
代立是為隱公隱公四年聲公弟露弑隱公代立是為
靖公靖公四年卒子伯陽立十五年宋滅曹執曹伯陽
以歸曹遂絕祀

陳胡公滿者虞帝舜之後也昔舜為庶人時堯妻之以
二女居于媯汭其後因為氏姓媯氏舜傳禹天下而
舜子商均為封國夏后時或失或續至於周武王克殷
紂復求舜後乃得媯滿封之於陳以奉帝舜祀是為胡

公胡公卒子申公犀侯立申公卒弟相公臯羊立相公
卒立申公子突是為孝公孝公卒子慎公圉戎立慎公
卒子幽公寧立二十三年卒子釐公孝立釐公三十六
年卒子武公靈立十五年卒子夷公說立三年卒弟平
公變立二十三年卒子文公圉立文公元年取蔡女生
子佗十年文公卒長子桓公鮑立三十八年桓公卒桓
公弟佗其母蔡女故蔡人為佗殺五父及桓公太子免
而立佗是為厲公厲公二年生子敬仲完厲公取蔡女

蔡女與蔡人亂厲公數如蔡淫七年厲公所殺桓公太子免之三弟長曰躍中曰林少曰杵臼共令蔡人誘厲公以好女與蔡人共殺厲公而立躍是為利公利公立五月卒立中弟林是為莊公七年卒少弟杵臼立是為宣公二十一年宣公後有嬖姬生子款欲立之乃殺其太子禦寇禦寇素愛厲公子完完乃奔齊四十五年宣公卒子款立是為穆公十六年卒子共公朔立十八年卒子靈公平國立十四年靈公與其大夫孔寧儀行父

皆通於夏姬十五年靈公與二子飲於夏氏公戲二子
曰徵舒似汝二子曰亦似公徵舒怒靈公罷酒出徵舒
伏弩廐門射殺靈公孔寧儀行父皆奔楚靈公太子午
奔晉徵舒自立為陳侯楚莊王為夏徵舒殺靈公率諸
侯伐陳謂陳曰無驚吾誅徵舒而已已誅徵舒因縣陳
而有之羣臣畢賀申叔時使於齊來還獨不賀莊王問
其故對曰語有之牽牛蹊人田田主奪之牛蹊則有罪
矣奪之牛不亦甚乎今王以徵舒為賊弑君故徵兵諸

侯以義伐之已而取之以利其地則後何以令於天下
是以不賀莊王曰善乃迎陳靈公太子午於晉而立之
復君陳如故是為成公成公卒子哀公弱立初哀公娶
鄭長姬生悼太子師少姬生偃二嬖妾長妾生留少妾
生勝留有寵哀公屬之弟司徒招三十四年哀公病三
月招殺悼太子立留為太子哀公怒欲誅招招發兵圍
守哀公哀公自經殺徐廣曰三十五年也招卒立留為陳君四月
陳使使赴楚楚靈王聞陳亂乃殺陳使者使公子棄疾

發兵伐陳陳君留奔鄭九月楚圍陳十一月滅陳使棄疾為陳公招之殺悼太子也太子之子名吳出奔晉晉平公問太史趙曰陳遂亡乎對曰陳顓頊之族陳氏得政於齊乃卒亡自暮至于瞽瞍無違命舜重之以明德至於遂世守之及胡公周賜之姓使祀虞帝且盛德之後必百世祀虞之世未也其在齊乎楚靈王滅陳五歲楚公子棄疾弑靈王代立是為平王平王初立欲得和諸侯乃求故陳悼太子師之子吳立為陳侯是為惠公

惠公立探續哀公卒時年而為元空籍五年矣二十八年惠公卒子懷公柳立懷公元年吳破楚在郢召陳侯陳侯欲往大夫曰吳新得意楚王雖亡與陳有故不可背懷公乃以疾謝吳四年吳復召懷公懷公如吳怒其前不往留之因卒吳陳乃立懷公之子越是為湣公二十四年楚惠王以兵北伐殺陳湣公遂滅陳而有之杞東樓公者夏后禹之後苗裔也殷時或封或絕周武王克殷紂求禹之後得東樓公封之於杞

杞今陳留以雍丘縣也

奉夏后氏祀東樓生西樓公西樓公生題公題公生謀

娶公

謀一作謨

謀娶公生武公武公立四十七年卒子靖公

立二十三年卒子共公立八年卒子德公立

世本曰惠公

德

公十八年卒弟桓公姑容立

世本曰惠公立十八年生成公及桓公成公立十八

年桓公立十七年

桓公十七年卒子孝公旬立十七年卒弟文

公益姑立十四年卒弟平公鬱立十八年卒子悼公成

立十二年卒子隱公乞立七月隱公弟遂弑隱公自立

是為釐公十九年卒子湑公維立十六年湑公弟闕路

弒湣公代立是為哀公哀公十年卒湣公子款立

款作速

是為出公十二年卒子簡公春立一年楚惠王滅杞

衛康叔名封周武王同母少弟也武王已克殷復以殷

餘民封紂子武庚祿父周公旦代成王治當國管叔蔡

叔與武庚祿父作亂欲攻成周周公旦以成王命興師

伐殷殺武庚祿父以殷餘民封康叔為衛君居河淇間

故商墟康叔卒子康伯代立康伯卒子考伯立考伯卒

子嗣伯立嗣伯卒子康伯立康伯卒子靖伯立靖伯卒

子貞伯立貞伯卒子頃侯立頃侯厚賂周夷王王命衛
為侯頃侯十二年卒子釐侯立四十二年卒太子共伯
餘立為君共伯弟和有寵於釐侯多予之賂和以其賂
賂王以襲攻共伯於墓上共伯入釐侯義自殺衛人因
葬之釐侯旁謚曰共伯而立和為衛侯是為武公武公
即位修康叔之政百姓和集四十二年夫戎殺周幽王
武公將兵往佐周平戎甚有功周平王命武公為公五
十五年卒子莊公揚立五年娶齊女為夫人好而無子

又取陳女為夫人有子蚤死陳女娣亦幸於莊公而生
子完完母死莊公令夫人齊女子之立為太子莊公有
寵妾生子州吁二十三年莊公卒太子完立是為桓公
十六年弟州吁收聚衛亡人以襲殺桓公州吁自立為
衛君石碏衛上卿與陳侯共謀使右宰醜進食因殺州吁
于濮而迎桓公弟晉於邢而立之是為宣公宣公夫人
夷姜生子伋以為太子而令右公子傅之右公子為太
子取齊女未入室而宣公見所欲為太子婦者好說而

自取之更為太子娶佗女宣公得齊女生子壽子朔令左公子傅之太子伋母死齊女與朔共讒惡太子宣公自以其奪太子妻也心惡太子欲廢之及聞其惡大怒乃使太子伋於齊而令盜遮界上殺之與太子白旄而告界盜見持白旄者殺之且行子朔之兄壽太子異母弟也知朔之惡太子而君欲殺之乃謂太子曰界盜見太子白旄即殺太子可毋行太子曰逆父命不可遂行壽見太子不止乃盜其白旄而先馳至界盜見其驗即

殺之壽已死而太子伋又至曰所當殺乃我也盜并殺之宣公乃以子朔為太子十九年宣公卒太子朔立是為惠公左右公子不平朔之立也惠公四年左右公子作亂攻惠公立太子伋之弟黔牟為君惠公犇齊衛君黔牟立八年齊襄公率諸侯奉王命共伐衛納惠公立三年出亡八年復入與前通年惠公凡十三年矣三十一年卒子懿公赤立九年翟伐衛殺懿公懿公之立也百姓大臣皆不服自懿公父惠公朔之讒殺太子伋代立至

於懿公嘗欲敗之卒滅惠公之後而更立黔牟之弟昭伯頑之子申為君是為戴公元年卒齊桓公立戴公弟燬為衛君是為文公二十五年卒子成公鄭立三十五年成公卒子穆公遯立十一年卒其子定公臧立定公十二年卒定公有疾使孔成子甯惠子立敬如之子衍以為太子成子孔達之孫敬如定公姜衍獻公是為獻公獻公立十八年孫林父文子攻出獻公奔齊孫文子甯殖惠子共立定公弟秋為衛君是為殤公一云獻公弟莊殤公立甯喜與孫林

父爭寵相惡殤公使甯喜攻孫林父林父犇晉復求入
故衛獻公齊景公聞之與衛獻公如晉求入晉為伐衛
誘與盟衛殤公會平公平公執殤公與甯喜復入衛獻
公獻公亡在外十二年而復入三年卒子襄公惡立九
年卒子靈公元立初襄公夫人姜氏無子姜氏嬖人媯
始生孟縶孔戍子夢康叔謂已立元戍子衛卿孔蒸鉏也元孟縶弟夢時
元未生余使羈之孫圉與史苟相之羈孟鉏子苟史朝子史朝亦夢
康叔謂已余將命而子苟與孔烝鉏之曾孫圉相元史

朝見成子告之夢夢協

協合也

晉韓宣子為政聘于諸侯

之歲

昭二年

媯始生子成子以周易筮之曰元尚享衛國主其

社稷

合著辭

遇屯

震下坎上屯

又曰余尚立繫尚克嘉之

嘉善

也遇屯之比

坤下坎上比屯初九爻變比

以示史朝史朝曰元亨

又何疑焉

周易曰屯元亨

成子曰非長之謂乎

言屯之元亨謂年長非謂名元

對曰康叔名之可謂長矣

善之長也

孟非人也將不列於宗

不可謂長

足跛非全人不可列為宗主

且其繇曰利建侯

繇卦辭

嗣吉

何建建非嗣也

嗣子有常位故無所卜無所建今以位不定卜嗣得吉則當從吉而建之也

二卦皆云

謂兩得屯卦皆有建侯之文

子其建之康叔命之二卦告

之筮襲於夢武王所用也弗從何為

外傳云太誓曰朕夢協朕卜襲於休

祥戎商必克此武王辭

弱足者居

跛則偏弱居其家不能行

侯主社稷臨祭祀

奉人民事鬼神從會朝又焉得居各以所利不亦可乎

孟跛利居元吉利建

故孔成子立靈公

一云襄公有嬖妾幸之有身夢有人謂曰我康叔也

令若子必有衛名而子曰元妾怪之問孔成子成子曰康叔衛祖也及生子男也以告襄公襄公曰天所置也

名之曰元夫人無子於是立元為嗣

靈公三十九年太子蒯聵與靈公夫

人南子有惡太子犇宋四十二年靈公卒衛乃以蒯聵

之子輒為君是為出公初孔圉取太子蒯瞶之姊生悝
出公十二年悝母使孔氏之監渾良夫使於太子良夫
與太子入舍孔氏之外圃遂入適伯姬氏出公輒犇魯

孔悝立太子蒯瞶是為莊公莊公三年晉趙簡子圍衛

莊公出犇衛人立子班師為衛君

左傳云班師襄公之孫

齊伐衛

虜班師更立公子起為衛君

起靈公子

起元年衛石曼專逐

其君起起奔齊衛出公輒自齊復歸立初出公立十二

年亡在外四年復入二十一年卒出公季父黔攻出公

子而自立是為悼公悼公五年卒子敬公弗一云敬公費立

敬公十九年卒子昭公糾立昭公六年公子疊弑之代

立是為懷公懷公十一年公子頽弑懷公而代立是為

慎公慎公父公子適適父敬公也慎公四十二年卒子

聲公訓立聲公十一年卒子成侯速立十六年衛貶號

曰侯二十九年成侯卒子平侯立平侯八年卒子嗣君

立更貶號曰君四十二年卒子懷君立懷君三十一年

朝魏魏因殺懷君更立嗣君弟是為元君一云元君懷君之弟二

十五年元君卒子君角立九年秦并天下立為始皇帝二十一年二世廢君角為庶人衛絕祀

宋微子啟者

微畿內國名子爵也為紂卿士

殷帝乙之首子而紂之庶

兄也紂既立不明微子度紂終不可諫乃去武王伐紂微子持其祭器造於軍門武王乃釋微子復位如故成

王少武庚作亂周公既承王命誅武庚乃命微子啟代

殷後奉其先祀啟卒立其弟衍是為微仲

微子舍其孫膺而立衍鄭

玄曰微子適子死立弟殷道也

微仲卒子宋公稽立稽卒子丁公申立

申卒子湑公共立共卒弟煬公熙立煬公即位湑公子

鮒祀

鮒一作鮒

弒煬公而自立曰我當立是為厲公厲公卒

子釐公舉立二十八年卒子惠公覲立三十年卒子哀

公立哀公元年卒子戴公立三十四年卒子武公司空

立十八年卒子宣公力立宣公有太子與夷十九年宣

公病讓其弟和曰父死子繼兄死弟及天下通義也我

其立和亦三讓而受之宣公卒弟和立是為穆公九

年病召大司馬孔父而屬殤公曰先君舍與夷而立寡

人先君穆公兄宣公與夷
宣公子即所屬殤公

寡人弗敢忘若以大夫之靈

得保首領以沒先君若問與夷其將何辭以對請子奉
之以主社稷寡人雖死亦無悔焉對曰羣臣願奉馮也

馮穆公子
莊公也

公曰不可先君以寡人為賢使主社稷若棄

德不讓是廢先君之舉也豈曰能賢

言不讓則
不足稱賢

先昭先

君之令德可不務乎吾子其無廢先君之功

先君以舉
賢為功我

若不賢
是廢之

使公子馮出居於鄭

辟殤
公也

穆公卒殤公即位君

子曰宋宣公可謂知人矣立穆公其子饗之命以義夫

殤之十年太宰華督弑殤公而迎公子馮於鄭而立之
是為莊公十九年卒子湣公捷立十一年南宮萬殺湣
公子蒙澤更立公子游為君宋之諸公子共擊殺南宮
牛弑宋新君游而立湣公弟禦說是為桓公宋人醢南
宮萬三十一年桓公卒太子茲甫立是為襄公十三年
與楚成王戰于泓大敗傷股十四年病傷於泓而竟卒
子成公王臣立十七年卒成公弟禦殺太子而自立為
君宋人共殺君禦而立成公少子杵臼是為昭公九年

昭公無道國人不附昭公出獵襄公夫人王姬使衛伯

攻殺昭公杵臼弟鮑革

一無革字

立是為文公二十二年卒

子共公瑕立十三年卒司馬唐山攻殺太子肥右師誅

唐山乃立共公少子成是為平公四十四年平公卒子

元公佐立公佐立十五年魯昭公避季氏居外為之求

入魯行道卒子景公頭曼立六十四年卒宋公子特攻

殺太子而自立是為昭公昭公者元公之曾庶孫也昭

父公孫糾糾父公子禘

音瑞

秦禘秦即元公少子也景公

殺昭公父糾故昭公怨殺太子而自立昭公四十七年

卒子悼公購繇立

一云四十九年

八年卒子休公田立二十三

年卒子辟公辟兵立

一云辟公兵

三年卒子剔成立剔成四

十一年剔成弟偃攻襲剔成剔成敗奔齊偃自立為宋君十一年自立為王四十七年齊湣王與魏楚伐宋殺王偃遂滅宋而三分其地

冊府元龜卷二百三十六

欽定四庫全書

冊府元龜卷二百三十七 宋 王欽若等 撰

列國君部

嗣襲第二

晉唐叔虞者周武王子而成王弟成王封叔虞於唐故
曰唐叔虞叔虞姓姬氏字子于唐叔子燮是為晉侯晉
侯子寧族是為武侯武侯之子服人是為成侯成侯子福
是為厲侯厲侯子宜臼是為靖侯靖侯已來年紀可推

自唐叔至靖侯五世無其年數靖侯十八年卒子釐侯
司徒立十八年卒子獻侯籍立十一年卒子穆侯費王

立穆侯四年取齊女姜氏為夫人七年伐條生太子仇

條晉地

十年伐千畝有功

西河界休縣南
有地名千畝

生少子名曰成

師

意取能成
其衆也

師服曰

晉大夫

異哉君之命子也太子曰仇

仇者讎也少子曰成師成師大號成之者名自命也
物自定也今適庶名反逆此後晉其能無亂乎二十七
年穆侯卒弟殤叔自立太子仇出奔殤叔四年穆侯太

子仇率其徒襲殤叔而立是為文侯三十五年卒子昭
侯伯立昭侯元年封文侯弟成師于曲沃曲沃邑大於
翼翼晉君都邑也成師封曲沃號為桓叔靖侯庶孫欒
賓相桓叔桓叔是時年五十八矣好德晉國之衆皆附
焉君子曰晉之亂其在曲沃矣未大於本而得民心不
亂何待七年晉大臣潘父弑其君昭侯而迎曲沃桓叔
桓叔欲入晉晉人發兵攻桓叔桓叔敗歸還曲沃晉人
共立昭侯子平為君是為孝侯誅潘父孝侯八年曲沃

桓叔卒子鯁代桓叔是為曲沃莊伯孝侯十五年曲沃
莊伯弑其君晉孝侯于翼晉人攻曲沃莊伯莊伯復入
曲沃晉人復立孝侯子都為君是為鄂侯鄂侯六年卒
曲沃莊伯聞晉鄂侯卒乃興兵伐晉周平王使虢公將
兵伐曲沃莊伯莊伯走保曲沃晉人共立鄂侯子光為
哀侯二年曲沃莊伯卒子稱代莊伯立是為曲沃武
公哀侯八年晉侵陘廷翼南鄆邑名陘廷與曲沃武公
謀九年伐晉于汾旁虜哀侯晉人乃立哀侯子小

子為君是為小子侯小子元年曲沃武公使韓萬殺所虜

晉哀侯

韓萬曲沃桓叔之子莊伯弟

曲沃益疆晉無如之何晉小子

之四年曲沃武公誘召晉小子殺之周桓王使虢仲伐

曲沃武公武公入于曲沃乃立晉哀侯弟緡為晉侯晉

侯二十八年曲沃武公伐晉侯緡滅之盡以其寶器賂

獻于周釐王釐王命曲沃武公為晉君列為諸侯盡併

晉地而有之曲沃武公已即位三十七年矣更號曰晉

武公晉武公始都晉國前即位曲沃通三十八年武公稱

者先穆侯曾孫也曲沃桓叔孫也桓叔者始封曲沃武公莊伯子也自桓叔初封曲沃以至武公滅晉凡六十歲而卒代晉為諸侯武公代晉二歲卒與曲沃通年即位凡三十九年而卒子獻公詭立獻公五年伐驪戎得驪姬西戎之別在驪山也驪姬弟俱愛幸之八年士為說公曰士為晉大夫故晉之羣公子多不誅亂且起乃使盡殺諸公子而城聚都之聚晉邑命曰絳始都絳十二年驪姬生奚齊獻公有意廢太子乃曰曲沃吾先祖宗廟所在而蒲

邊秦屈邊翟

蒲今蒲坂屈北屈皆在河東
一曰蒲今平陽蒲子縣是

不使諸子居

之我懼焉於是使太子申生居曲沃公子重耳居蒲公
子夷吾居屈獻公與驪姬子奚齊居絳晉國以此知太
子不立也太子申生其母齊桓公女也曰齊姜早死申
生同母女弟為秦繆公夫人重耳母翟之狐氏女也夷
吾母重耳母女弟也獻公子八人而太子申生重耳夷
吾皆有賢行及得驪姬乃遠此三子十九年獻公私謂
驪姬曰吾欲廢太子以奚齊代之驪姬泣曰太子之立

諸侯皆已知之而數將兵百姓附之奈何以賤妾之故廢適立庶君必行之妾自殺也驪姬佯譽太子而陰令人譖惡太子而欲立其子二十一年驪姬謂太子曰君

夢見齊姜太子速祭曲沃

齊姜廟所在

歸釐於君太子於是

祭其母齊姜於曲沃上其薦胙於獻公獻公時出獵置胙於宮中驪姬使人置毒藥胙中居二日獻公從獵來還宰人上胙獻公獻公欲饗之驪姬從旁止之曰胙所從來遠宜試之祭地地墳

將飲先祭亦有先也墳起也

與夫夫死與

小臣小臣死

小臣官名掌陰事今闕士也

驪姬泣曰太子何忍也其

父而欲弑代之况他人乎且君老矣旦暮之人曾不能待而欲弑之謂獻公曰太子所以然者不過以妾及奚齊之故妾願母子辟之他國若早自殺母徒使母子為太子所魚肉也始君欲廢之妾猶恨之至於今妾殊自失於此太子聞之奔新城

新城曲沃也新為太子城

獻公怒乃誅其

傅杜原款或謂太子曰為此藥者乃驪姬也太子何不

自辭明之可也太子曰吾君老矣非驪姬寢不安食不

甘即辭之君且怒之不可或謂太子曰可奔他國太子
曰被此惡名以出人誰內我我自殺耳十二月戊申申
生自殺於新城此時重耳夷吾來朝人或告驪姬曰二
公子怨驪姬譖殺太子驪姬恐因譖二公子申生之藥胙二
公子知之二子聞之恐重耳走蒲夷吾走屈保其城自
備守二十二年獻公怒二子不辭而去果有謀矣乃使
兵伐蒲重耳遂奔翟使人伐屈屈城守不可下二十三
年獻公遂發賈華等伐屈

賈逵曰賈華
晉右行大夫

屈潰夷吾將奔

翟冀芮曰不可

韋昭曰冀芮晉大夫

重耳已在矣今往晉必移兵

伐翟翟畏晉禍且及不如走梁梁近於秦秦彊吾君百

歲後可以求入焉遂奔梁二十五年驪姬娣生卓子二

十六年獻公病甚乃謂荀息曰吾以奚齊為後年少諸

大夫不服恐亂起子能立之乎荀息曰能獻公曰何以

為驗對曰使死者復生生者不慙為之驗於是遂屬奚

齊於荀息荀息為相主國政獻公卒里克不鄭欲內重耳

以三公子之徒作亂

不鄭晉大夫三公子申生重耳夷吾

謂荀息曰三怨

將起秦晉輔之子將何如荀息曰吾不負先君言十月

里克殺奚齊於喪次獻公未葬也荀息將死之或曰不

如立奚齊弟卓子而傅之荀息立卓子而葬公十一月

里克弒卓子于朝

列女傳曰鞭殺驪姬於市

荀息死之里克使迎夷

吾於梁卻芮使夷吾重賂秦以求入

卻芮卻克祖父從夷吾者

曰人

實有國我何愛焉

言國非已有何愛而不以賂秦

入而能民土於何有

從之

能得民不患無土

齊隰朋帥師會秦師納晉惠公惠公立

十四年卒太子圉立是為懷公懷公初質於秦惠公病

亡歸秦怨之乃求公子重耳欲納之秦穆公乃發兵送
重耳使人告欒卻之黨為內應殺懷公於高梁入重耳
重耳立是為文公秦穆公乃發兵與重耳歸晉晉聞秦
兵來亦發兵拒之然皆陰知公子重耳入也唯惠公之
故貴臣呂卻之屬不欲立重耳重耳出亡凡十九歲而
得入時年六十二矣晉人多附焉文公立九年卒子襄
公歡立七年八月襄公卒太子夷臯少晉人以難故晉國
數有欲立長君趙盾曰立襄公弟雍好善而長先君愛

患難

數有欲立長君趙盾曰立襄公弟雍好善而長先君愛

之且近於秦秦故好也立善則固事長則順奉愛則孝

結舊好則安賈季曰不如其弟樂辰羸嬖於二君

辰羸懷羸

也二君懷公大公

立其子民必安之趙盾曰辰羸賤班在九人

下也班次

其子何震之有

也震威

且為二君嬖淫也為先君

子不能求大而出在小國賤也毋淫子僻無威陳小而

遠無援將何可乎使士會如秦迎公子雍賈季亦使人

召公子樂於陳趙盾廢賈季殺陽處父

此時賈佗為大
師陽處父為太

傳

十月葬襄公十一月賈季奔翟是歲秦穆公亦卒靈

公元年四月秦康公曰昔文公之入也無衛故有呂卻

之患乃多與公子雍衛太子母繆嬴日夜抱太子以號

泣於朝曰先君何罪其嗣亦何罪舍適而外求君將安

置此此太子出朝則抱以適趙盾所頓首曰先君奉此子

而屬之子曰此子材吾受其賜不材吾怨子怨其教導不至今

君卒言猶在耳在宣子之耳而棄之若何趙盾與諸大夫皆

患穆嬴且畏偁乃背所迎而立太子夷臯是為靈公十

四年靈公壯厚斂以雕牆將軍趙穿襲殺靈公於桃園

趙盾使趙穿迎襄公弟黑臀于周而立是為成公成公者文公少子其母周女也七年成公卒子景公據立十九年夏景公病立其太子壽曼為君是為厲公後月餘景公卒厲公多外嬖姬欲盡去羣大夫而立諸姬兄弟八年欒書中行偃弑厲公使人迎公子周一作曰而立之是為悼公悼公周者其大父捷晉襄公少子也不得立號為桓叔桓叔最愛桓叔生惠伯談談生悼公周周之立年十四矣初欒武子既弑厲公使智武子瑳恭子如

周迎悼公庚午大夫迎于清原公言於諸大夫曰孤始願不及此孤之及此天也且人之有元君將稟命焉若稟而棄之是焚穀也其稟而不材是穀不成也穀之不成孤之咎也成而焚之二三子之虐也孤之不元廢也其誰怨也元而以虐奉之二三子之制也若欲奉元以濟大義將在今日若欲暴虐以離百姓反易民常亦在今日圖之進退願繇今日大夫對曰君鎮撫羣臣而大庇廢之無乃不堪君訓而陷於大戮以煩刑吏辱君之允

今敢不承業乃盟而入即位十五年卒子平公彪立二十六年卒子昭公夷立六年卒子頃公去疾立十四年卒子定公午立三十七年卒子出公鑿立出公立十七

年

年表云十八年或云二十年

知伯與韓趙魏共分范仲行地以為

邑出公怒告齊魯欲以伐四卿四卿恐遂反攻出公出公奔齊道病死故知伯乃立昭公曾孫驕為晉君是為哀公哀公大父雍晉昭公少子也號為戴子戴子生忌忌生哀公哀公十八年卒子幽公柳立十八年盜殺幽

公魏文侯以兵誅晉亂立幽公子止是為烈公二十七年卒子孝公頎立十七年卒子靜公俱酒立靜公二年魏武侯韓哀侯趙敬侯滅晉而三分其地

秦之先帝顓頊之苗裔孫曰女修女修織玄鳥墮卵女修吞之生子大業大業取少典之子曰女華女華生大費與禹平水土已成帝錫玄圭禹受曰非予能成亦大費為輔帝舜曰咨爾費贊禹功其錫爾皐游爾後嗣將大出乃妻之姚姓之玉女

賜之玄圭妻以姚姓之女也

大費拜受佐舜調

馴鳥獸鳥獸多馴服是為柏翳舜賜姓嬴氏大費生子
二人一曰大廉實鳥俗氏二曰若木實費氏其玄孫曰
費昌子孫或在中國或在夷狄費昌當夏桀之時去夏
歸商為湯御以敗桀於鳴條大廉玄孫曰孟戲中衍鳥
身人言帝太戊聞而卜之使御吉遂致使御而妻之自
太戊以下中衍之後遂世有功以佐殷國故嬴姓多顯
遂為諸侯其玄孫曰中湣一作滑在西戎保西垂生蜚廉
蜚廉生惡來惡來有力手掣虎兒蜚廉善走父子俱以材力

事紂惡來革早死有子曰女防女防生旁臯旁臯生大

几大几生大駱大駱生非子以造父之寵皆蒙趙城姓

趙氏非子居犬丘

居槐里也

好馬及畜善養息之犬丘人言之

周孝王孝王召使主馬于汧渭之間馬大蕃息孝王欲

以為大駱適嗣申侯之女為大駱妻生子成為適申侯

乃言孝王曰昔我先酈山之女為戎胥軒妻生中湫以

親故歸周保西垂以其故和睦今我復與大駱妻生適

子成申駱重婚西戎皆服所以為王王其圖之於是孝

王曰昔柏翳為舜主畜畜多息故有土賜嬴姓今其後

世亦為朕息馬朕其分土為附庸邑之秦

今天水隴西縣秦亭也

使復續嬴氏祀號曰秦嬴亦不廢申侯之女子為駱適

者以和西戎秦嬴生秦侯秦侯立十年卒生公伯公伯

立三年卒生秦仲秦仲立三年周厲王無道諸侯或叛

之西戎反王室滅大駱犬丘之族周宣王即位

秦仲之十八年

也乃以秦仲為大夫誅西戎西戎殺秦仲秦仲立二十

二年死於戎

秦仲始大有車馬禮樂侍御之好也

有子五人其長者曰莊

公周宣王乃召莊公昆弟五人與兵七千人使伐西戎破之於是復予秦仲後及其先大駱地犬丘并有之為西垂大夫莊公居其故西犬丘生子三人其長男世父世父曰戎殺我大父仲戎非殺戎王則不敢入邑遂將擊戎讓其弟襄公襄公為太子莊公立四十四年卒太子襄公代立西戎大戎與申侯伐周殺幽王驪山下而秦襄公將兵救周戰甚力有功周避大戎難東徙維也襄公以兵送周平王平王封襄公為諸侯十二年卒子

文公立四十八年文公太子卒賜謚為靖公靖公之長子為太子是文公孫也五十年文公卒靖公子立是為寧公十二年卒生子三人長男武公為太子武公弟德公同母魯姬子生出子寧公卒大庶長弗忌威壘三父廢太子而立出子為君出子六年三父等復共令人賊殺出子生子生五歲立六歲卒三父等乃復立故太子武公二十年武公卒立其弟德公德公生三十三歲而立立二年卒子三人長子宣公中子成公少子穆公宣

公立十二年卒立其弟成公成公立四年卒立其弟穆
公任好三十九年穆公卒太子釐代立是為康公康公
立十二年卒子共公立共公立五年卒子桓公立桓公
二十七年卒子景公立景公四十年卒子哀公立三十
六年卒太子夷公早死不得立立夷公子是為惠公惠
公十年卒子悼公立十四年卒子厲共公立三十四年
卒子躁公立十四年躁公卒立其弟懷公懷公四年庶
長鼂與大臣圍懷公懷公自殺懷公太子曰昭子蚤死

大臣乃立太子昭子之子是為靈公十三年卒立子獻公
不得立立靈公季父悼子是為簡公十六年卒子惠公
立十三年卒子出子立出子二年庶長改迎靈公之子
獻公于河西而立之殺出子二十四年獻公卒子孝公
立二十四年卒子惠文君立二十八年卒子武王立四
年武王死立異母弟是為昭襄王即昭王也昭王四十年太
子死四十二年以次子安國君為太子安國君有子二
十餘人安國君有所甚愛姬立以為正夫人號曰華陽

夫人華陽夫人無子安國君中男名子楚子楚母曰夏
姬母愛子楚為秦質子於趙秦數攻趙趙不甚禮子楚
子楚秦諸庶孽孫質於諸侯車乘進用不饒居處困不
得意呂不韋賈邯鄲見而憐之曰此奇貨可居

以此子
楚方財

貨也乃往見子楚說曰吾能大子之門子楚笑曰且自大

君之門而乃大吾門呂不韋曰子不知也吾門待子門
而大子楚心知所謂乃引與坐深語呂不韋曰秦王老
矣安國君得為太子竊聞安國君愛幸華陽夫人華陽

夫人無子能立適嗣者獨華陽夫人耳今子兄弟二十餘人子又居中不甚見幸久質諸侯即大王薨安國君立為王則子無幾得與長子諸子旦暮在前者爭為太子矣子楚曰然為之奈何呂不韋曰子貧客於此非有以奉獻於親及結賓客也不韋雖貧請以千金為子西遊事安國君及華陽夫人立子為適嗣子楚乃頓首曰必如君策請得分秦國與君共之呂不韋乃以五百金與子楚進用結賓客而復以五百金買奇物玩好自奉

而西遊秦求見華陽夫人姊而皆以其物獻華陽夫人
因言子楚賢智結諸侯賓客徧天下常曰楚也以夫人
為天日夜泣思太子及夫人夫人大喜不韋因使其姊
說夫人曰吾聞之以色事人者色衰而愛弛今夫人事
太子甚愛而無子不以此時蚤自結於諸子中賢孝者
舉立以為適而子之夫在則重尊夫百歲之後所子者
為王終不失勢此所謂一言而萬世之利也不以繁華
時樹本即色衰愛弛後雖欲開一語尚可得乎今子楚

賢而自知中男也次不得為適其母又不得幸自附夫
人夫人誠以此時拔以為適夫人則竟世有寵於秦矣
華陽夫人以為然乘太子間從容言于楚質於趙者絕
賢來往者皆稱譽之乃因涕泣曰妾幸得充後宮不幸
無子願得子楚立為適嗣以托妾身安國君許之乃與
夫人刻玉符約以為適嗣安國君及夫人因厚饋遺子
楚而請呂不韋傅之子楚以此名譽益盛於諸侯呂不
韋取邯鄲諸姬絕好善舞者與居知有身子楚從不韋飲

見而說之因起為壽請之不韋怒念業已破家為子楚

欲以釣竒乃遂獻其姬姬自匿有身至大期時

徐廣曰十二月

也

生子政子楚遂立姬為夫人秦昭王五十年使王齎

園邯鄲急趙欲殺子楚子楚與呂不韋謀行金六百斤

子守者吏得脫亡赴秦軍遂以得歸趙欲殺子楚妻子

子楚夫人趙豪家女也得匿以故母子竟得活秦昭王

五十六年卒太子安國君立是為孝文王即位三日卒

子莊襄王立四年卒子政立是為秦始皇帝

楚之先祖出自帝顓頊高陽高陽者黃帝之孫昌意之

子也高陽生稱稱生卷章卷章生重黎

世本云老童生重黎及吳回譙

周曰老童即卷章也

重黎為帝嚳高辛居火正其有功能光融天

下帝嚳命曰祝融

祝大融明也一曰祝始也

共工氏作亂帝嚳使重

黎誅之而不盡帝乃以庚寅日誅重黎而以其弟吳回

為重黎後復居火正為祝融吳回生陸終陸終生子六

人圻剖而生焉

千寶曰先儒學士多疑此事譙允南通才達學情該數理者也作古史考以為

作者妄記廢而不論余亦尤其生之異也然案六子之世于孫有國升降六代數千年間迭至霸王天將興之

必有尤物乎若夫前志所傳修己背坼而生禹簡狄胷剖
而生契歷代久遠莫足相證近魏黃初五年汝南屈雍
妻王氏生男兒從右腋下出而平和自若數月
創合母子無恙斯蓋近事之信也以今況古固知傳記
者之不安也天地紘為陰陽變化安可守之一端槩以
常理乎詩云不坼不副無災無害原詩人之旨明古之
婦人常有坼腹而產者矣又有因
產而遇災害者故美其無害也 其一曰昆吾 昆吾名
樊為已

姓封昆吾世本曰
昆吾者衛是也

二曰參胡

世本曰參胡
者韓是也

三曰彭祖 名
翦

為彭姓封於大彭世本
曰彭祖者彭城是也

四曰會人

世本曰會人
者鄭是也

五曰曹

姓 世本曰曹姓
者邾是也

六曰季連芊姓楚其後也昆吾氏夏之

時嘗為侯伯桀之時湯滅之彭祖氏殷之時嘗為侯伯

殷之末世滅彭祖氏季連生附沮

孫檢曰一作祖

附沮生宄熊

其後中微或在中國或在蠻夷弗能紀其世周文王之

時季連之苗裔曰鬻熊鬻熊子事文王蚤卒其子曰熊

麗熊麗生熊狂熊狂生熊繹熊繹當周成王之時舉文

武勤勞之後嗣封熊繹於楚蠻封以子男之田姓芊氏居

丹陽楚子熊繹生熊艾熊艾生熊黜熊黜生熊勝熊勝

以弟熊楊為後熊楊生熊渠熊渠生子三人當周夷王

時王室微諸侯或不朝相伐熊渠甚得江漢間民和乃

興兵伐庸

庸今上庸地

楊粵至於鄂熊渠曰我蠻夷也不與

中國之號謚乃立其長子康為句亶王

今江陵也

中子紅為

鄂王

九州記曰鄂今武昌

少子執疵為越章王皆在江上楚蠻之

地及周厲王之時暴虐熊渠畏其伐楚亦去其王後為

熊母康

即渠之長子

母康早死熊渠卒子熊摯紅立摯紅卒

其弟弒而代立曰熊延熊延生熊勇熊勇十年卒弟熊

嚴為後熊嚴十年卒有子四人長子伯霜中子仲雪次

子叔堪少子季徇熊嚴卒長子伯霜代立是為熊霜熊

霜六年卒三弟爭立仲雪死叔堪亡避難於濮

建寧郡南有濮

夷

而少弟季徇立是為熊徇二十二年卒子熊罈立熊

罈九年卒子熊儀立是為若敖二十七年卒子熊坎立

是為霄敖六年卒子熊眇立

眇音燁

是為蚡冒十七年卒

蚡冒弟熊通弑蚡冒子而代立是為楚武王五十一年

卒子文王熊貲立始都郢十三年卒子熊羆立

羆古艱字是

為杜敖杜敖五年欲殺其弟熊惲惲奔隨與隨襲殺杜

敖代立是為成王立四十六年欲立公子職紕公子商

臣商臣以宮衛兵圍成王成王自絞殺商臣代立是為
穆王十二年卒子莊王侶立二十三年卒子共王審立
三十一年卒子康王招立十五年卒子員立是為郊教
康王寵弟公子圍子比子皙棄疾郊教三年以其季父
康王弟公子圍為令尹主兵事四年圍使鄭道聞王疾
而還圍入問王疾絞而弑之圍立是為靈王靈王自殺
兄之子員即位為王十一年使蕩侯等圍徐以恐吳靈
王次於乾谿以待之十二年春王樂乾谿不能去也公

子比公子棄疾作亂入殺太子祿立子比為王子皙為
令尹棄疾為司馬靈王獨徬徨山中野人莫敢入王遂
死於芊尹申亥家是時楚國雖立比為王畏靈王復來
又不聞靈王死國人每夜驚曰靈王入矣五月乙卯夜
棄疾使舩人從江上走呼曰靈王至矣國人愈驚又使
曼成然告初王比及令尹子皙曰王至矣君蚤自圖無
取辱焉初王及子皙遂自殺棄疾即位改名熊居是為
平王平王二年使費無忌如秦為太子建娶婦婦好來

未至無忌先歸說平王曰秦女好可自娶王聽之自娶
秦女生熊珍更為太子娶無忌又讒太子建建奔宋十
三年卒太子珍立是為昭王二十七年昭王病甚乃召
諸公子大夫曰孤不佞再辱楚國之師今乃得以天壽
終孤之幸也讓其弟公子申為王不可又讓次第公子
結亦不可又讓次第公子閭五讓乃後許為王將戰庚
寅昭王卒於軍中子閭曰王病甚舍其子讓羣臣臣所
以許王以廣王意也今君王卒臣豈敢忘君王之意乎

乃與子西子綦謀伏師閉塗

一作壁

迎越女之子章立之

閉塗不通外使也
越女昭王之妻

是為惠王然後罷兵歸葬昭王惠王

五十七年卒子簡王中立二十四年卒子聲王當立六

年盜殺聲王子悼王熊疑立二十一年卒子肅王臧立

十一年卒無子立其弟熊良夫是為宣王三十年卒子

威王熊商立十一年卒子懷王熊槐立三十年秦昭王遺

楚王書曰願與君王會武關面相約結盟而去寡人之願

也懷王往會秦昭王昭王詐令一將軍伏兵武關號為

秦王楚王至則閉武關遂與至咸陽秦因留之楚大臣
患之乃相與謀立太子橫是為頃襄王頃襄王三年懷
王發病卒於秦三十六年頃襄王卒太子熊元代立是
為考烈王二十五年卒子幽王悍立十年卒同母弟猶
代立是為哀王哀王二月餘哀王庶兄負芻之徒襲殺
哀王而自立負芻為王五年秦將王翦蒙武遂破楚國
虜楚王負芻滅楚名為楚郡云

越王句踐其先禹之苗裔而夏后帝少康之庶子也封

於會稽以奉守禹之祀文身斷髮披草萊而邑焉後二十餘世至於允常允常之時與吳王闔閭戰而相怨伐允常卒子句踐立是為越王句踐句踐卒子王鼫與立王鼫與卒子王不壽立王不壽卒子王翁立王翁卒子王翳立王翳卒子王之侯立王之侯卒子王無彊立王無彊伐楚楚威王興兵而伐之大敗越殺王無彊而越以此散諸族子爭立或為王或為君濱於江南海上服朝於楚後七世至閩君搖佐諸侯平秦漢高帝復

以搖為越王以奉越後東越閩君皆其後也

鄭桓公友者周厲王世子而宣王之庶弟也

年表云母弟

宣

王立二十二年友初封於鄭封三十三歲百姓皆便愛

之幽王以為司徒

幽王八年為司徒

和集周民周民皆說幽王

時王室多難桓公問太史伯曰予安逃死乎太史伯曰

獨雒之東土河濟之南可居桓公於是卒言王東徙其

民雒東而號鄆果獻十邑竟國之

十邑謂號鄆駟般補丹依味歷莘也

二

歲夫戎殺桓公鄭人共立其子掘突是為武公二十七

年卒子寤生立是為莊公四十三年卒太子忽立是為

昭公初祭仲有寵於莊公莊公使為卿公使娶鄧女生

昭公忽故祭仲立之莊公又娶宋雍氏女生突雍氏有寵

於宋

為宋正卿
故曰有寵

宋莊公聞祭仲立忽乃使人誘召祭仲

而執之曰不立突將死亦執突以求賂焉祭仲許宋與

宋盟以突歸立之昭公出奔衛突立是為厲公厲公四

年祭仲專國政公患之陰使其壻雍糾欲殺祭仲糾妻

祭仲女也告祭仲祭仲乃殺雍糾戮之於市厲公無奈

祭仲何出居邊邑曰櫟遂居之祭仲迎昭公忽復入鄭
即位自昭公為太子時惡高渠彌及昭公即位渠彌懼
其殺已三年冬渠彌與昭公出獵射殺昭公於野祭仲
與渠彌不敢入厲公乃更立昭公弟子亶為君

子亶無諡號

子亶元年齊襄公會諸侯於首止子亶往會子亶自齊
襄公為公子時嘗會鬪相仇子亶至不謝齊侯齊侯怒
遂伏甲而殺子亶高渠彌與祭仲謀召子亶弟公子嬰
於陳而立之是為鄭子鄭子十四年厲公在櫟使人誘

劫鄭大夫傅瑕以求入瑕殺鄭子而迎厲公厲公自

櫟復入即位厲公初立四歲亡居櫟居櫟十七歲復入

立七歲卒子文公踧立初文公子蘭出奔晉蘭鄭從晉

文公伐鄭請無與圍鄭許之使待命於東晉東鄭石甲

父侯宣多迎以為太子以求成于晉晉文公欲入蘭為

太子以告鄭鄭大夫石癸曰吾聞姑姓乃后稷之元妃

姑姓之女其後當有興者子蘭母其後也且夫人子盡

已死餘庶子無如蘭賢今圍急晉以為請利孰大焉遂

許晉與盟卒而立子蘭為太子晉兵乃罷去子蘭立是

為繆公二十二年卒子夷立是為靈公元年子公弒靈

公鄭人立靈公庶弟公子堅是為襄公十八年卒子悼公

潰立二年卒立其弟踰是為成公十四年卒子暉立是

為釐公釐公五年鄭相子駟使厨人藥殺釐公

年表云子駟使

賊夜弒僖公

立釐公子嘉嘉時年五歲是為簡公三十六年

卒子定公寧立十三年卒子獻公蠆立十三年卒子聲

公勝立三十七年聲公卒子哀公易立八年鄭人弒哀

公而立聲公弟丑是為共公三十年卒子幽公已立幽

公元年韓武子伐鄭殺幽公鄭人立幽公弟駘是為繻

公年表云鄭人立幽
公子駘繻或作繻鄭君殺其相子陽二十七年子陽之

黨共弑繻公駘而立幽公弟乙為君是為鄭君二十一

年韓哀侯滅鄭併其國

趙氏之先與秦共祖至中衍為帝大戊御其後世蜚廉

有子二人而命其一子曰惡來事紂為周所殺其後為

秦惡來弟曰季勝其後為趙季勝生孟增孟增幸於周

成王是為宅臯狼

或云臯狼地名在西河

臯狼生衡父衡父生造

父造父見幸於周繆王造父取驥之乘匹與桃林盜驪
驪駒騷耳獻之繆王繆王使造父御西巡狩見西王母
樂之忘歸而徐偃王反繆王日馳千里馬攻徐偃王大
破之乃賜造父以趙城繇此為趙氏自造父而下六世
至奄父曰公仲公仲為宣王御奄父生叔帶幽王無道
叔帶去周如晉始建趙氏于晉自叔帶以下趙宗益興
五世而生趙夙夙生共孟共孟生趙衰衰生盾盾生

朔朔生武武生景叔景叔生趙鞅是為簡子簡子生母
卹母卹母賤翟婢也簡子盡召諸子與語母卹最賢簡
子乃告諸子曰吾藏寶符於常山上先得者賞諸子馳
之常山上求無所得母卹還曰已得符矣簡子曰奏之
母卹曰從常山上臨代代可取也簡子於是知母卹果
賢乃廢太子伯魯而以母卹為太子是為趙襄子趙襄
子以為伯魯之不立也不肯立子且必欲傳位與伯魯
子代成君成君先死乃取成君子浣立為太子是為獻侯

十五年獻侯卒子烈侯籍立烈侯六年魏韓趙皆相立
為諸侯九年烈侯卒弟武公立十三年卒趙復立烈侯
太子章是為敬侯十二年卒子成侯種立二十五年卒
太子肅侯立二十四年卒子武靈王立十六年王遊大
陵他日王夢見處女鼓瑟而歌異日王飲酒樂數言所
夢想見其狀吳廣聞之因夫人而內其女娃嬴孟姚也甚
有寵生子何二十七年大朝於東宮傳國立王子何以
為王是為惠文王武靈王自號為主父封長子章為代安

陽君惠文王立三年主父死三十三年惠文王卒太子
丹立是為孝成王二十一年王卒子偃立是為悼襄王
九年卒子幽繆王遷立遷其母倡也嬖於悼襄王悼襄
王廢適子嘉而立遷遷立七年秦人攻趙趙王遷降流
於房陵秦既虜遷趙之亡大夫共立嘉為王王代六歲
秦進兵破嘉遂滅趙

魏之先畢公高之後也畢公高與周同姓武王之伐紂
而高封於畢

畢在長安
縣西北

於是為畢姓其後絕封為庶人

或在中國或在夷狄其苗裔曰畢萬事晉獻公獻公之
十六年趙夙為御畢萬為右以伐霍耿魏滅之以耿封
趙夙以魏封畢萬為大夫而畢萬之世彌大從其國名
為魏氏生武子武子生悼子魏悼子徙居霍悼子生絳
絳生嬴嬴生獻子獻子生魏侈侈之孫曰魏桓子桓子
之孫曰文侯都世本文侯二十二年魏趙韓列為諸侯
作斯
三十八年文侯卒子擊立是為武侯十六年卒子瑩立
是為惠王三十年以太子申為上將與齊人戰齊人虜

太子申三十一年以公子赫為太子三十六年惠王卒
子襄王立十六年卒子哀王立二十三年卒子昭王立
十九年卒子安釐王立三十四年卒太子增立是為景
湣王十五年卒子王假立王假三年秦灌大梁虜王假
遂滅以為郡縣

韓之先與周同姓其後苗裔事晉得封於韓原曰韓武
子武子後三世有韓厥從封姓為韓氏韓厥卒子宣子
代立宣子卒子貞子代立貞子卒子簡子代立

史記無
簡子莊

子云貞子生康
子班氏亦同

簡子卒子莊子代莊子卒子康子代康

子卒子武子代武子卒子景侯度立景侯六年與趙魏
俱列為諸侯九年景侯卒子列侯取立十三年卒子文
侯立十年卒子哀侯立六年韓嚴弑其君哀侯而子懿
侯立十二年卒子昭侯立二十六年卒子宣惠王立二
十一年卒太子倉立是為襄王十二年太子嬰死公子
咎公子蟣風爭為太子時蟣風質於楚蘇代謂韓咎曰
蟣風亡在楚楚王欲內之甚今楚兵十餘萬在方城之

外公何不令楚王築萬室之都雍氏之旁

在陽翟

韓必起

兵以救之公必將矣公因以韓楚之兵奉蟣虱而內之

其聽公必矣必以楚韓封公也韓咎從其計楚圍雍氏

秦本紀惠王後元十三年周赧王三年楚懷王十七年齊

湣王十二年皆云楚圍雍氏紀年於此亦說楚景翠圍雍

氏韓宣王卒秦助韓共敗楚屈丐又云齊宋圍莒棗皆

與史記年表及田完世家符同然則此卷所云襄王十

二年韓咎從其計以上是楚後圍雍氏赧王之十五年

事也又說楚圍雍氏以下是楚前圍雍氏赧王之三年

也韓求救於秦秦未為發使公孫昧入韓公仲曰子以

秦為且救韓乎對曰秦王之言曰請道南鄭藍田出兵

於楚以待公仲殆不合矣公仲曰子以為果乎對曰秦

王必祖張儀之故智

祖者宗之習之謂也故智猶前時謀計也

楚威王攻梁

也張儀謂秦王曰與楚攻魏魏折而入於楚韓固其與

國也是秦孤也不如出兵以待之魏楚大戰秦取西河

之外以歸今其狀陽言與韓其實陰善楚公待秦而至

必輕與楚戰楚陰得秦之不用也必易與公相支也公

戰而勝楚秦遂與公乘楚施三川而歸公戰不勝楚楚

塞三川守之公不能救也竊為公患之司馬庚一作唐三

反於郢甘茂與昭魚

楚相國

遇於商於其言收壘實類有

約也公仲恐曰然則奈何曰公必先韓而後秦先身而

後張儀公不如亟以國合於齊楚齊楚必委國於公公

之所惡者張儀也其實猶不無秦也於是楚解雍氏圍

甘茂傳曰楚懷王以兵圍韓雍氏韓使公仲告急於秦

秦昭王新立不肯救甘茂為韓言之乃下師於澠以救

韓也又曰周赧王十五年韓襄王十二年秦擊楚斬首

二萬敗楚襄城殺景缺周本紀赧八年之後云楚圍雍

氏此當韓襄王十二年魏哀王十九年紀年於此

亦說楚入雍氏楚人敗然其時張儀已死十年矣蘇代

又謂秦太后弟芊戎

號新城君

曰公叔伯嬰恐秦楚之內蟻

風也公何不為韓求質於楚楚王聽入質子於韓則公叔伯嬰知秦楚之不以蟣虱為事必以韓合於秦楚秦楚挾韓以窘魏魏氏不敢合於齊是齊孤也公又為秦求質子於楚楚不聽結怨於韓韓挾齊魏以圍楚楚必重公公挾秦楚之重以積德於韓公叔伯嬰必以國待公於是蟣虱竟不得歸韓韓立咎為太子十六年襄王卒太子咎立是為釐王二十三年卒子桓惠王立三十四年卒子王安立九年秦虜王安盡入其地為潁川郡

齊陳完者陳厲公佗之子也完生周太史過陳陳厲公使卜完卦得觀之否是為觀國之光利用賓於王此其代陳有國乎不在此而在異國乎非此其身也在其子孫若在異國必姜姓姜姓四嶽之後物莫能兩大陳衰此其昌乎厲公者陳文公少子也其母蔡女文公卒厲公兄鮑立是為桓公桓公與佗異母及桓公病蔡人為佗殺桓公鮑及太子免而立佗為厲公厲公既立娶蔡女蔡女淫於蔡人數歸厲公亦數如蔡桓公之少子林

怨厲公殺其父與兄乃令蔡人誘厲公而殺之林自立
是為莊公故陳完不得立為陳大夫莊公卒弟宣公立
宣公十一年殺其太子禦寇禦寇與完相愛恐禍及已

完故奔齊齊桓公使為工正完卒諡為敬仲仲生穉孟

夷敬仲之如齊以陳字為田

始食采地錄
是改姓田氏

田穉孟夷生

湣孟莊

一作
莊

湣孟莊生文子須無須無生桓子無字無

字生武子開與釐子乞乞為齊相專齊政乞生常是為

成子成子卒子襄子盤

一作
瑩

代相齊襄子卒子莊子白

立莊子卒子太公和立和遷齊於海上食一城以奉其

先祀三年和與魏文侯會濁澤

康公之十六年

求為諸侯魏文侯

乃使使言周天子及諸侯請立齊相田和為諸侯周天

子許之康公之十九年和立為齊侯列於周室二年和

卒子桓公午立六年卒子威王因齊立三十六年卒子

宣王辟疆立十九年卒子湣王地立四十年湣王為相


淖齒所弑子法章變名姓為莒太史敫家庸淖齒既以

去莒莒人及齊亡臣相聚乘湣王子欲立之法章懼其

誅已也久之乃敢自言我湣王子也於是莒人共立法
章是為襄王十九年卒子建立四十四年秦兵擊齊
王聽相后勝計不戰以兵降秦秦虜王建遷之共

河南有共

縣



冊府元龜卷二百三十七

欽定四庫全書

子部
冊府元龜卷二百三十九

詳校官中書臣王鵬

員外郎臣牛稔文覆勘

總校官庶吉士臣何思鈞

校對官學正臣湯垣

校對官助教臣黃昌禔

謄錄舉人臣蔡枝華

謄錄監生臣易宏義

欽定四庫全書

冊府元龜卷三百三十八 宋 王欽若等 撰

列國君部

智識 謀畧 任謀

智識

夫智周物表識洞機先持世保民前訓謂之明哲安時
利物君子用為謀猷則列土之君享國之主任用靡失
法令罔愆勵勤王之誠廣先世之業封疆不擾兵賦自

疆則智識之有餘而思慮之無忽者也

鄭莊公以魯隱公十一年七月會齊侯隱公伐許庚辰

傳於許

傳于許城下

壬午遂入許許莊公奔衛齊侯以許讓

公公曰君謂許不共故從君討之許既伏其罪矣雖君有令寡人弗敢與聞乃與鄭伯鄭伯使許大夫百里奉許叔以居許東偏曰天禍許國鬼神實不逞於許君而假手於我寡人寡人惟是一二父兄不能共億其敢以許自為功乎寡人有弟不能和協而使餬口於四方其

况能久有許乎吾子其奉許叔以撫柔此民也吾將使

獲也佐吾子

獲鄭大夫
公孫獲

若寡人得歿乎地天其以禮悔

禍於許無寧茲許公復奉其社稷唯我鄭國之有請謁

焉如舊婚媾其能降以相從也

降心以
相從

無滋他族實逼

處此以與我鄭國爭此土也吾之子孫其覆亡之不暇

而况能禋祀許乎寡人之使吾子處此不唯許國之為

亦聊以固吾圉也

圉邊
垂

乃使公孫獲處許西偏曰凡而

器用財賄無寘於許我死乃亟去之吾先君新邑於

此

此今河南新鄭
舊鄭在京北

王室而既卑矣周之子孫日失其序

夫許大嶽之肩也天而既厭周德矣吾其能與許爭乎

君子謂鄭莊公於是乎有禮

楚文王以魯莊公十七年卒初申侯申出也

姊妹之
子為出

寵於楚文王文王將死與之璧使行曰唯我知女女專

利而不厭予取予求不女疵瑕也

從我取從我求我
不以女為罪釁

後

之人將求多於女

後人謂嗣君也求多於
女謂以禮義大望責之

女必不免我

死女必速行無適小國將不女容焉

政狹
法峻

既塋出奔鄭

又有寵於厲公魯僖公七年鄭殺申侯子文聞其死也
曰古人有言曰知臣莫若君弗可改也已

秦穆公時晉殺平鄭平豹奔秦

平豹平鄭之子

言於秦伯曰晉

侯背大主而忌小怨民弗與也伐之必出

大主秦也小怨里平

公

曰失衆焉能殺

謂殺里平之黨

違禍誰能出君

謂豹辟禍也

楚成王

時晉公子重耳之楚楚成王以適諸侯禮待之重耳謝
不敢當趙衰曰子亡在外十餘年小國輕子况大國乎
今楚大國而固遇子子其毋讓此天開子也遂以客禮

見之成王厚遇重耳重耳甚卑成王曰子即反國何以報寡人重耳曰羽毛齒角玉帛君王所餘未知所以報王曰雖然何以報不穀重耳曰即不得已與君王以兵車會平原廣澤請辟王三舍

司馬法曰從避不過三舍九十里也

楚將子

玉怒曰王遇晉公子至厚今重耳言不孫請殺之成王曰晉公子賢而困於外久從者皆國器此天所置庸可殺乎且言何以易之莊王伐宋晉文公救宋楚子入居於申

申在方城故曰入

使申叔去穀

僖公二十六年申叔成穀

使子玉去

宋曰無從晉師晉侯在外十九年矣而果得晉國

晉侯生十

七年而七十九年而反凡三十六年至此四十矣

險阻艱難備嘗之矣民之情

偽盡知之矣天假之年

獻公之子九人唯文公在故曰天假之年

而除其害

除患懷呂卻

天之所置其可廢乎軍志曰允當則歸

無求過分軍志

兵書又曰知難而退又曰有德不可敵此三志者晉之謂

矣子玉使請戰王怒少與之師楚師敗績魯宣公十三

年及晉師戰於邲晉師敗績楚子次于衡雍潘黨曰君

盍築武軍

築軍營以彰武功

而收晉尸以為京觀

積尸封土其上謂之京觀

臣聞克敵必示子孫以無忘武功楚子曰非爾所知也

夫文止戈為武

文字

武王克商作頌曰載戢干戈載橐弓矢

戢藏也橐韜也詩美武王能誅滅暴亂也

我求懿德肆于時夏允王保之

肆

也夏大也言武王既息兵又能求美德故遂大而信王保天下

又作武其卒章曰耆定

爾功

武頌篇名耆致也言武王誅紂致定其功

其三曰鋪時繹思我徂惟求

定

其三三篇鋪布也繹陳也時是也思辭也頌美武王能布政陳教使天下歸往求安定

其六曰

綏萬邦屢豐年

其六六篇綏安也屢數也言武王既安天下數致豐年此三六之數與今詩頌

篇次不同蓋楚樂歌之篇

夫武禁暴戢兵保大定功安民和衆豐財

者也

此武七德

故使子孫無忘其章

若之篇章使子孫不忘

今我使二

國暴骨暴矣觀兵以威諸侯兵不戢矣暴而不戢安能保大猶有晉存焉得定功所違民欲猶多民何安焉無

德而彊爭諸侯何以和衆利人之幾

幾危也

而安人之亂

以為已禁何以豐財

兵動則年荒

武有七德我無一焉何以

示子孫其為先君宮告成事而已

祀先君告戰勝

武非吾功也

古者明王伐不敬取其鯨鯢而封之以為大戮於是乎

有京觀以懲淫慝

鯨鯢大魚以喻不義之人吞食小國

今罪無所

晉罪無所犯也

而民皆盡忠以死君命又何以為京觀乎祀於河作先君宮告成事而還

晉文公敗楚於城濮子玉及連穀而死晉侯聞之而後

喜可知也

喜見顏色

曰莫余毒也已為昔臣實為令尹奉已

而已不在民矣

楚共王時申公巫臣奔晉而因郤至

郤至克族子

以臣於晉

人使為邢大夫

邢晉邑

楚子反請以重幣錮之

禁錮勿令仕

王曰

止其自為謀也則過矣其為吾先君謀也則忠忠社稷之

固也所蓋多矣

蓋履也

且彼若能利國家雖重幣晉將可乎

言不

若無益於晉晉將棄之何勞錮焉

為七年楚滅巫臣
扶晉南通吳張本

齊湣王欲為從長惡楚之與秦合乃使使遺楚王書曰
寡人患楚之不察於尊名也今秦惠王死武王立張儀
走魏樗里疾公孫衍用而楚事秦夫樗里疾善乎韓而
公孫衍善乎魏楚必事秦韓魏恐必因二人求合於秦則
燕趙亦空事秦四國爭事秦則楚為郡縣矣王何不與
寡人并力收韓魏燕趙與為從而尊周室以安兵息民

令於天下天下莫敢不樂聽則王名成矣王率諸侯並
伐破秦必矣王取武關蜀漢之地私吳越之富而擅江
海之利韓魏割上黨西薄函谷則楚之彊百萬也且王
欺於張儀亡地漢中兵挫藍田天下莫不代王懷怒今
乃欲先事秦願大玉熟計之楚王業已欲和於秦見齊
王書猶豫不決下其議羣臣羣臣或言和秦或言聽齊
昭睢曰王雖東取地於越不足以雪恥必且取地於秦
而後足以雪恥於諸侯王不如深善齊韓以重擣里

疾如是則王得齊韓之重以求地矣秦破韓宜陽而韓猶復事秦者以先王墓在平陽而秦之武遂去之七十里以故尤畏秦不然秦攻三川趙攻上黨楚攻河外韓必亡楚之救韓不能使韓不亡然存韓者楚也韓已得武遂於秦以河山為塞所報德莫如楚厚臣以為其事王必疾齊之所信於韓者以韓公子昧為齊相也韓已得武遂於秦王甚善之使之以齊韓重樗里疾疾得齊韓之重其主弗敢棄疾也今又益之以楚之重樗里子

必言秦復與楚侵地矣於是懷王許之竟不合秦而合齊以善韓

謀畧

班固有言權謀者以正守國以奇用兵先計而後戰故春秋之世彊霸之君兼弱攻昧行是道也乃有割天性之親以結其私愛乘事機之變以致其震恐或陽善而弛其備或求成而紆其難片言激怒三軍為之鼓行單介致命千乘為之罷舉故能敵大以小圖安於危是皆

變詐出乎其心幾微究乎其表乃至自為之使以入疆國親改其服以從異俗孟子所謂五霸之罪人也其信然乎

鄭武公欲伐胡廼以其子妻之因問羣臣曰吾欲用兵誰可伐者關其思曰胡可伐廼戮關其思曰胡兄弟之國也子言伐之何也胡君聞之以鄭為親已而不備鄭鄭人襲胡取之

晉文公初奔狄惠公畏文公乃使宦者履鞮與壯士欲

殺重耳

文公名

重耳聞之乃謀趙衰等曰始吾奔狄非以

為可用欲以近易通故且休足久矣故願徙之大國夫

齊桓公好善志在霸王叔恤諸侯今聞管仲隰朋死此

亦欲得賢佐盍往乎於是遂行後反國伐曹門焉多死

政曹

城門曹人尸諸城上

磔晉死人於城上

晉侯患之聽輿人之謀

曰稱舍於墓

輿衆也舍墓為將發冢

師遷焉曹人兇懼

遷至曹人墓兇兇恐

懼聲為其所得者棺而出之因其兇也而攻之遂入曹

楚文王欲取息與蔡

息蔡二國名

乃先詐善蔡侯而與之謀

曰吾欲得息奈何蔡侯曰息夫人吾妻之姨

蔡侯哀侯也妻之姊

為姨

吾請為饗俱入息因以甲祖遂取息旋會于蔡又取

蔡

不勞師徒得之曰取言易也

莊王九年令尹子越椒以若敖氏處烝野將攻王王與

若敖氏戰于臯許

楚地名

伯棼射王汰輶及鼓跗著於丁

寧

伯棼越椒也輶車輶汰過也箭過車輶上丁寧鉦也

又射汰輶以貫笠轂

兵車無蓋

尊者則邊人執笠依轂而立以禦寒暑名曰笠轂言箭及王之蓋

師懼退王使巡師曰

吾先君文王克息獲三矢焉伯棼竊其二盡於是矣鼓

而進之遂滅若敖氏

吳闔閭六年桐叛楚

桐小國瀘江舒縣西南有桐鄉

吳子使舒鳩氏誘

楚人

舒鳩楚屬國

曰以師臨我

使以師臨吳

我伐桐為我使

之無忌

吳伐桐也偽若畏楚師之臨已而為伐其叛國以取媚者也欲使楚不忌吳所謂多方以誤之

秋楚囊瓦伐吳師於豫章

從舒鳩言

吳人見舟於豫章

偽將為楚

伐

而潛師于巢

實欲以擊楚

冬十月吳軍楚師戰于豫章敗

之

楚不忌故

遂圍巢克之獲公子繁

繁守巢大夫

越王句踐元年

吳伐越

楚五年越入吳

越子句踐禦之陳于檇李句踐患吳之

整也使死士再禽焉不動

使敢死之士往輒為吳所禽欲使吳師亂取之而吳不動

使罪人三行屬劍於頸

注以劍而辭

曰二君有治

治軍旅

臣

奸旗鼓

犯軍令

不敏於君之行前不敢逃刑敢歸死遂自刎

也師屬之目越子因而伐之大敗之射傷吳王闔閭

閭且死告其子夫差曰必毋忘越三年句踐興師伐吳

吳王聞之悉發精兵擊越敗之夫椒越王以餘兵五千

棲於會稽之上使大夫種行成於吳曰寡君句踐乏無

所使使下臣種不敢徹聲聞於天王私於下執事曰寡

君之師徒不足以辱君矣願以金玉子女賂君之辱請
句踐女女於王大夫女女於大夫士女女於士越國之
寶器畢從寡君帥越國之衆以從君之師徒唯君左
右之若以越國之罪為不可赦也將焚宗廟係妻孥
沉金玉於江有帶甲五千人將以致死乃必有偶
是以帶甲萬人事君也無乃即傷君王之所愛乎與
其殺是人也寧其得此國也其孰利乎夫差將欲聽與
之行成子胥諫不聽遂許之後越伐吳吳子禦於笠澤

夾水而陣越為左右句卒

句卒鉤伍相著別為左右屯也

使夜或左或

右鼓譟而進吳師分以禦之越以三軍潛涉當吳中軍

而鼓之吳師大亂遂敗之

左右句卒為聲勢以分吳軍而三軍精兵并力擊其中軍故得勝

趙武靈王十九年正月大朝信官召肥義與議天下

五日而畢王北畧中山之地至於房子遂之代北至無窮

西至河登黃華之上召樓緩謀曰我先王因世之變以

長南藩之地屬阻漳滏之險立長城又取藺郭狼敗林

人於荏而功未遂今中山在我腹心北有燕東有胡西

有林胡樓煩秦韓之邊而無彊兵之救是亡社稷奈何
夫有高世之名必有遺俗之累吾欲胡服樓緩曰善羣
臣皆不欲於是肥義侍王曰簡襄王之烈計胡翟之利
為人臣者寵有孝弟長幼順明之節通有補民益主之
業此兩者臣之分也今吾欲繼襄王之跡開於胡翟之
鄉而卒世不見也為敵弱用力少而功多可以毋盡百
姓之勞而序往古之勲夫有高世之功者負遺俗之累
有獨智之慮者任驚民之怨今吾將胡服騎射以教百

姓而世必議寡人奈何肥義曰臣聞疑事無功疑行無名王既定負遺俗之慮殆無顧天下之議矣夫論至德者不和於俗成大功者不謀於衆昔者舜舞有苗禹袒裸國非以養欲而樂志也務以論德而約功也愚者闇成事智者覩未形則王何疑焉王曰吾不疑胡服也吾恐天下笑我也狂夫之樂智者哀焉愚者所笑賢者察焉世有順我者胡服之功未可知也雖驅世以笑我胡地中山吾必有之於是遂胡服矣使王緹告公子成曰寡

人胡服將以朝也亦欲叔服之家聽於親而國聽於君

古今之公行也子不反親臣不逆君兄弟之通義也

兄弟

一作元夷元始也夷平也

今寡人作教易服而叔不服吾恐天下議

之也制國有常利民為本從政有經令行為上明德先論於賤而行政先信於貴今胡服之意非以養欲而樂志也事有所止而功有所出事成功立然後善也今寡人恐叔之逆從政之經以輔叔之議且寡人聞之事利國者行無邪因貴戚者名不累故願慕公叔之義以成

胡服之功使縹謁之叔請服焉公子成再拜稽首曰
臣固聞王之胡服也臣不佞寢疾未能趨走以滋進也
王命之臣敢對因竭其愚忠曰臣聞中國者蓋聰明徇
智之所居也五帝本紀云
劫而徇齊萬物財用之所聚也賢聖之
所教也仁義之所施也詩書禮樂之所用也異敏技能
之所試也遠方之所觀赴也蠻夷之所義行也今王舍
此而襲遠方之服變古之教易古之道逆人之心而拂
學者離中國故臣願王圖之也使者以報王曰臣固聞

叔之疾也我將自往請之王遂往之公子成家因自謂
之曰夫服者所以便用也禮者所以便事也聖人觀鄉
而順空因事而制禮所以利其民而厚其國也夫剪髮

文身錯臂左衽甌越之民也黑齒雕題

以草染齒用白
作黑雕文謂刻

其肌以丹
青涅之

却冠秫

戰國策作秫縫秫亦縫之別名也
秫者茶鍼也古字假借故作秫

耳此蓋言其女功緘縷之麓
拙也又一本作鮭冠黎縷也

大吳之國也故禮服莫同

其便一也鄉異而用變事異而禮易是以聖人果可以
利其國不一其用果可以便其事不同其禮儒者一師

而俗異中國同禮而教離況於山谷之便乎故去就之
變智者不能一遠近之服賢聖不能同窮鄉多異曲學
多辨不知而不疑異於已而不非者公馬而衆求盡
善也今叔之所言者俗也吾所言者所以制俗也吾國
東有河薄洛之水安平經縣西有漳水津名薄洛津與齊中山同之無
舟楫之用自常山以至代上黨一云自常山以下代上黨以東東有燕
東胡之境而西有樓煩秦韓之邊今無騎射之備故寡
人無舟楫之用夾水居之民將何以守河薄洛之水變

服騎射以備燕三胡秦韓之邊且昔者簡主不塞晉陽
以及上黨而襄主并戎取代以攘諸胡此愚智所明也
先時中山負齊之彊兵侵暴吾地係累吾民引水圍鄣
微社稷之神靈則鄣幾於不守也先王醜之而怨未能
報也今騎射之備近可以便上黨之形而遠可以報中
山之怨而叔順中國之俗以逆簡襄之意惡變服之名
以忘鄣事之醜非寡人之所望也公子成再拜稽首曰
臣愚不達於王之義敢道世俗之聞臣之罪也今王將

繼簡襄之意以順先王之志臣敢不聽命乎再拜稽首
乃賜胡服明日服而朝於是始出胡服令也趙文趙造

周昭

戰國策作
昭昭音紹

趙俊皆諫止王毋胡服如故法便王曰

先王不同俗何古之法帝王不相襲何禮之循慮戲神
農教而不誅黃帝堯舜誅而不怒及至三王隨時制法
因事制禮法度制令各順其宜衣服器械各便其用故
禮也不必一道而便國不必古聖人之興也不相襲而
王夏殷之衰也不易禮而滅然則反古未可非而循禮

未足多也且服奇者志淫則是鄒魯無奇行也俗辟者民易則是吳越無秀士也且聖人利身謂之服便事謂之禮夫進退之節衣服之制者所以齊常民也非所以論賢者也故齊民與俗流賢者與變俱故諺曰以書御馬者不盡馬之情以古制今者不達事之變循法之功不足以高世法古之學不足以制今子不及也遂胡服招騎射其後武靈王傳國於子惠文王乃自號主父主父欲令子主治國而身胡服將士大夫西北略胡地而

欲從雲中九原直南襲秦於是詐自為使者入秦秦昭
王不知已而恠其狀甚偉非人臣之度使人逐之而主
父馳已脫關矣審問之乃主父也秦人大驚主父所以
入秦者欲自畧地形因觀秦王之為人也惠文王二年
主父行新地遂出代西遇樓煩王於西河而致其兵三
年滅中山遷其王於膚施在上郡起靈壽在常山北地方從
代道大通還歸行賞大赦

任謀

詩曰周爰咨謀書曰謀及卿士自周之東遷諸侯力攻
征伐自出權譎相傾彊凌弱大侵小以至於戰國謀臣
辨士比比而有乃能詢求聽納用其所長規轉川流風
行運斷繇是克敵而益壤和戎以靖國持危以紓難治
煩而解紛至於反間變詐陰詭竒巧以濟一時之務者
有之矣蓋利之所在見幾而作夫豈暇顧道家之所忌
哉

晉獻公朝諸大夫而問焉曰寡人夜者寢而不寐其意

何也諸大夫有進對者曰寢不安與其諸侍御有不在

側者與獻公不應荀息進曰虞郭見與

猶曰虞郭豈見於君之心乎荀

息素知獻公欲伐此國故云耳

獻公揖而進之

以手通指曰揖

遂與之入而謀

曰吾欲攻虢則虞救之攻虞則虢救之如之何願與子

慮之荀息對曰君若用臣之謀則今日取虢而明日取

虞爾君何憂焉獻公曰然則奈何荀息曰請以屈產之

乘

屈產出名馬之地乘備駟也

與垂棘之白璧

垂棘出美玉之地玉以尚白為美

往

必可得也則寶出之內府藏之外府

如虞可得猶外府藏也

馬出

之內廐繫之外廐爾君何喪焉獻公曰諾雖然宮之奇

存焉如之何荀息曰宮之奇知則知矣

君欲言其知實知也

雖然

虞公貪而好寶必不從其言請終以往於是終以往虞

公見寶許諾宮之奇果諫云記曰唇亡則齒寒

記史也

虞

號之相救非相為賜

賜猶惠也

則晉今日取號而明日虞從

而亡耳君請勿許也虞公不從其言終假之道以取號

明號非虞不滅虞當坐滅人

還四年反取虞

還復往故云反

虞公抱寶牽馬

而至荀息見曰臣之謀何如獻公曰予之謀則已行矣

寶則吾寶也然馬之齒亦已長矣蓋戲之也

以馬齒長戲之喻荀

息之年老道此者以終荀息宮之奇言且以為戒

悼公五年無終子嘉父使孟

樂如晉

無終山戎國名孟樂其使臣

因魏莊子納虎豹之皮以請和

諸戎

欲戎與晉和莊子魏絳

晉侯曰戎狄無親而貪不如伐之魏

絳曰諸侯新服陳新來和將觀於我我德則睦否則攜

貳勞師於戎而楚伐陳必弗能救是棄陳也諸華必叛

諸華中國戎禽獸也獲戎失華無乃不可乎公曰然則莫如

和戎乎對曰和戎有五利焉戎狄薦居貴貨易土

薦聚也易

猶輕也。土可賈焉一也。邊鄙不聳民狎其野穡人成功二

也。聳懼狎也。戎狄事晉四鄰振動諸侯威懷三也。以德綏

戎師徒不勤甲兵不頓四也。頓壞也。鑒於后羿而用德度

為鑒戒也。遠至邇安五也。君其圖之。公說使魏絳盟諸戎

脩民事田以時。傳言晉侯能用善謀。

楚襄王為太子之時質於齊。懷王薨太子辭於齊王而歸。齊王隘之曰。子我東地五百里。乃歸。子子不與我。不得歸。太子曰。臣有傳請退而問傳。慎子曰。獻之地所以

為身也愛地不送死父不義臣故曰獻之使太子入致
命齊王曰敬獻地五百里齊王歸楚太子太子歸即位
為王齊使車五十乘來取東地於楚楚王告慎子曰齊
使求地為之奈何慎子曰王明日朝羣臣皆令獻其計
上柱國子良入見王曰寡人之得求反主墳墓復羣臣
歸社稷也以東地五百里許齊齊令使來求地為之奈
何子良曰王不可不與也王身出玉聲許彊萬乘之齊
而不與則不信後不可以約結諸侯請與而復攻之與

之信攻之武臣故曰與之子良出昭常入見王曰齊使來求東地五百里為之奈何昭常曰不可與也萬乘者以地大為萬乘今去東地五百里是去戰國之半也有萬乘之號而無千乘之用也不可臣故曰勿與常請守之昭常出景鯉入見王曰齊使來求東地五百里為之奈何景鯉曰不可與也雖然楚不能獨守王身出玉聲許萬乘之齊也而不與負不義於天下楚亦不能獨守臣請西索救於秦景鯉出王入以三大夫計告慎子曰

子良見寡人曰不可不與也與而復攻之常見寡人曰不可與也常請守之鯉見寡人曰不可與也雖然楚不能獨守也臣請索救於秦寡人誰用於三子之計慎子對曰王皆用之王怫然作色曰何謂也慎子曰臣請效其說而王且見其誠然也王發上柱國子良車五十乘而北獻地五百里於齊發子良之明日遣昭常為大司馬命往守東地遣昭常之明日遣景鯉車五十乘西索救於秦王曰善乃遣子良北獻地於齊遣子良之明日

立昭常為大司馬使守東地又遣景鯉西索救於秦子
良至齊齊使人以甲受東地昭常應齊使曰我典主東
地且與死生悉五尺至六十三十餘萬敝甲鈍兵願承
下塵齊王謂子良曰大夫來獻地今常守之何如子良
曰臣身受命敝邑之王是常矯也王攻之齊王大興兵
攻東地伐昭常未涉境彊秦以五十萬臨齊右壤曰夫
隘楚太子弗出不仁又欲奪之東地五百里不義其縮
甲則可不然則願待戰王恐焉乃請子良南道楚西使

秦解齊患士卒不用東地復全

秦繆公時戎王使繇余於秦繇余其先晉人也亡入戎能晉言聞繆公賢故使繇余觀秦繆公示以宮室積聚繇余曰使鬼為之則勞神矣使人為之亦苦民矣繆公怪之問曰中國以詩書禮樂法度為政然尚時亂今戎夷無此何以為治不亦難乎繇余曰此乃中國所以亂也夫自上聖黃帝作為禮樂法度身以先之僅以小治及其後世日以驕淫阻法度之威以責督於下下罷極

則以仁義怨望於上上下下交爭怨而相篡弑至於滅宗
皆以此類也夫戎夷不然上舍淳德以遇其下下懷忠
信以事其上一國之政猶一身之治不知所以治此真
聖人之治也於是繆公退而問內史廖曰

內史周官也

孤聞

鄰國有聖人敵國之憂也今繇余賢寡人之害將奈之
何內史廖曰戎王處辟匿未聞中國之聲君試遺其女
樂以奪其志

奪一作狗

為繇余請以疏其間留而莫遣以失

其期戎王怪之必疑繇余君臣有間乃可虜也且戎王

好樂必怠於政繆公曰善因與繇余曲席而坐傳器而食
問其地形與其兵勢盡答而後令內史廖以女樂二人
遺戎王戎王受而說之終年不還於是秦乃歸繇余繇
余數諫不聽繆公又數使人間要繇余繇余遂去降秦
繆公以客禮禮之問伐戎之形於是益國十二開地千
里遂霸西戎

張儀既相秦苴蜀相攻擊

苴讀為苞黎之苞音與巴相近以為今之巴郡各來

告急於秦秦惠王欲發兵以伐蜀以為道險狹難至而

韓又來侵秦秦惠王欲先伐韓後伐蜀恐不利欲先伐蜀恐韓襲秦之敝猶豫未決司馬錯與張儀爭論於惠王之前司馬錯欲伐蜀張儀曰不如伐韓王曰請聞其

說儀曰親魏善楚下兵三川塞斜谷之口

一作尋成畢鞏縣有尋口

當屯留之道魏絕南陽楚臨南鄭秦伐新城宜陽以臨二周之郊誅周王之罪侵楚魏之地周自知不能救九鼎寶器必出據九鼎案圖籍挾天子以令於天下天下莫敢不聽此王業也今夫蜀西僻之國而戎狄之倫也

弊兵勞衆不足以成名得其地不足以為利臣聞爭名者於朝爭利者於市今三川周室天下之朝市也而王不爭焉顧爭於戎狄去王業遠矣司馬錯曰不然臣聞之欲富國者務廣其地欲彊兵者務富其民欲王者務博其德三資者備而王隨之矣今王地小民貧故臣願先從事於易夫蜀西僻之國也而戎狄之長也有桀紂之亂以秦攻之譬如使豺狼逐羣羊得其地足以廣國取其財足以富民繕兵不傷衆而彼已服焉拔一國而

天下不以為暴利盡西海而天下不以為貪是我一舉
而名實附也而又有禁暴止亂之名今攻韓劫天子惡
名也而未必利也又有不義之名而攻天下所不欲危
矣臣請論其故周天下之宗室也齊韓之與國也周自
知失九鼎韓自知亡三川將二國并力合謀以因乎齊
趙而求解乎楚魏以鼎與楚以地與魏王弗能止也此
臣之所謂危也不如伐蜀完惠王曰善寡人請聽子卒
起兵伐蜀十月取之遂定蜀貶蜀王更號為侯而使陳

莊相蜀蜀既屬秦秦以益彊富厚輕諸侯

齊桓公十五年秦魏攻韓韓求救於齊桓公召大臣而謀曰蚤救之孰與晚救之騶忌子曰不若勿救段干朋曰不救則韓且折而入於魏不若救之田臣思曰過矣君之謀也秦魏攻韓楚趙必救之是天以燕予齊也桓公曰善乃陰告韓使者而遣之韓自以為得齊之救因與秦魏戰楚趙聞之果起兵而救之齊因起兵襲燕國取桑丘

威王二十六年魏惠王圍邯鄲趙求救於齊齊威王召大臣而謀曰救趙孰與勿救騶忌子曰不如勿救段干朋曰不救則不義且不利威王曰何也對曰夫魏氏并邯鄲其於齊何利哉且夫救趙而軍其郊是趙不伐而魏全也故不如南攻襄陵以弊魏邯鄲拔而乘魏之弊威王從其計

宣王二年魏伐趙趙與韓親共擊魏趙不利戰於南梁宣王召田忌復故位韓氏請救於齊宣王召大臣而謀曰

蚤救孰與晚救騶忌子曰不如勿救田忌曰弗救則韓
且折而入於魏不如早救之孫子曰夫韓魏之兵未弊
而救之是吾代韓受魏之兵顧反聽命於韓也且魏有
破國之志韓見亡必東面而愬於齊矣吾因深結韓之
親而晚承魏之弊則可必重利而得尊名也宣王曰善
乃陰告韓之使者而遣之韓因恃齊五戰不勝而東委
國於齊因起兵使田忌田嬰將嬰一作盼孫子為帥救韓趙
以擊魏大敗之馬陵殺其將龐涓虜魏太子申

襄王立田單相之過菑水有老人涉菑而寒出不能行坐沙中田單見其寒欲使後軍分之衣無可以分者單解裘而衣之襄王惡之曰田單之施將欲以取我國乎不早圖恐後之左右顧無人巖下有貫珠者襄王呼而問之曰女聞言乎對曰聞之王曰女以為何若對曰王不如因以為己善王嘉單之善下令曰寡人憂民之饑也單收而食之寡人憂民之寒也單解裘而衣之寡人憂勞百姓而單亦憂之稱寡人之意單有是善而王嘉

之善單之善亦王之善已王曰善乃賜單牛酒嘉其行
後數日貫珠者復見王曰王至朝日空召田單而揖之
於庭口勞之乃布令求百姓之饑寒者收穀之乃使人
聽於閭里聞丈夫之相與語曰田單之愛人嗟乃王之
教也

冊府元龜卷二百三十八